

حقوقی بیکیسیر مجموعه سی

هر آيك اون بشنده نشر اولنور

JURISPRUDENCE

اجتهادات محاکمه

اصول محاکمه ده بطلان

۱ — حقوق اصول محاکمه لری قانونمژک ۷۲ نجی ماده سی موجبجه « اساسلی مراسمه رعایت ایدلمکسزین پایلان اصوله متعلق معامله لر بوبابده منفعتی بولونان کیمسه نك دعوائی تعقیدن اول طلی سبق ایدره سه ابطال اولونور . »

اهمیتی ایکنجی درجه ده اولان اصول محاکمه قاعده لرینه رعایتسزلك تقدیرنده بطلان حاصل اولماز. فی الحقیقه اصول محاکمه عمومیتله، شکل قاعده لرینی تعیین ایتدیکی ایچون شکلک حقه فدا ایدلمسی قطعی ضرورت بولمادجه تجویز اولوناماز. بوملاحظه ایله اصول محاکمه نك یالکز اساسلی اولان قاعده لرینه رعایتسزلك بطلان ایله تأیید ایدیلوب « اساسلی اولمایان مراسمه رعایت ایدازسه بو بابده منفعتی اولان کیمسه نك دعوائی تعقیدن اول طلی سبق ایدره سه » بو معامله تصحیح ویا اکیال اولونور. »

بناء علیه بطلان نقطه نظرندن اصول محاکمه ک اساسلی اولان احکامنی اولمایانلرندن تفریق ضرورتی واردر . بو تفریق هانکی اساسه کوره یاپلمسی لازم کلدیکنی تعیین خصوصنده مؤلفلر آراسنده اختلاف افکار واردر.

Cerzar-Bru, Garsonnet اصول محاکمه جلد ۲، نومرو : ۵۴

اک مشهور مؤلفلر، اصول محاکمه قانونمژ ایله قبول ایدیلن شو اساسده متفقدرلرکه بو اساس بعض اجنبی قانونلری ایله ده قبول اولمشدر . « عمومی انتظامی و یا معامله اصولیه نك استهداف ایتدیکی مقصدی تأمین ملاحظه سیله وضع اولونان احکام اساسلی مراسمدن دیکرلری بطلانی موجب اولمایان ایکنجی درجه مراسمدن عد اولونور.

قانونک بو ایضاحی کافی دکدر. بو ایضاحات ایله پارس حقوق فاکولته سی اصول محاکمه مدرسی پروفیسور ژاپونک دیدیکی مسئله حل ایدیلوب یالکز هانکی مراسمک معامله اصولیه نك استهداف ایتدیکی غایه یی تأمیندن عبارت اولدیغنی تعینه ارجاع ایدلمش اولور .

بو مسئله نك نه صورت له حل ايدلسی لازم كله چكي واجبي قانونلری احكامنی تفصیل مقاله مزك موضوعه داخل دكلدر. بو خصوصه فضله تفصیلات ایچون «یكي حقوق اصول محاكمه لری شرحی» نه مراجعت. كذلك Revue trimestrielle de droit civil سنه ۱۹۱۴ صحیفه: ۲۲۷. ژاپونك «اصول محاكمه ده مؤيدات» عنوانی مقاله سی، نومرو: ۱۳ باقكز.

۲ — اسويچره وود قانطونی محاكمه سی، Journal des Tribunaux سنه ۱۹۲۷، نومرو: ۵ و ۶، قانطون حقوقي قسمنده مذکور اولان ۱۹ كانون ثانی ۱۹۲۷ تاریخلی قرارنده، آنجق بطلان طلب ایدن طرفك قانون ايله تأمین ایدیلن برحق و صلاحیتی قولانمسه و یا ادا ایتسنه مانع تشکیل ایتش نقصانلر اصول محاكمه نك اساسی مراسمه مخالف عد ایتشدرد.

حادثه ده؛ مستأنف، کنديسك مدافعه امكانندن محروم قالدیغنی ادا ایتیه رك، مجرد منازعه نك حله اساس اولان بعض مهم وقایع مادیه نك اعلامده ذکر ایدلامسی جهتیله اعلامك نقصان بولوندیغنی و بو سببله بطلانی ادا ایتشدرد. وود قانطونی استیفاف محكمه سی بوذهولك، عمومی قاعده اعتباریله، اصول محاكمه نك اساسی مراسمه رعایتسزلكی تضمن ایتامسی اعتباریله بطلانی موجب اوله میه چی رأینده بولنشدرد.

نوط: وود قانطون استیفاف محكمه سی قرارنده ده کوستردیكي وجهله، بطلان نظریه سی یالكز تحقیقات و محاکات اثناسنده کی معاملات حقنده تطبیق اولونور. یوقسه حکملره قارشى تطبیق ایدلنز. حکملرك اصلاحی ایچون معین سببلر قانونده آیریجه یازیلیدر. بو سببلر تحقق ایتش ایسه بونلرك اساسی اولوب اولمادیغنی تدقیقه محل یوقدر.

وود اصول محاكمه قانونه کوره صلح محكمه لری قرارلرنده، استیفاف تدقیقانه مساعد اوله جق درجه ده مسائل مادیه نك توضیح ایدلامسی بطلانی موجب برسبب تشکیل ایددر. (ماده: ۲۲. نومرو ۱ حرف ب) فقط حادثه ده استیفاف اولونان قرار، صلح محكمه سندن ویرلیه رك پرودوم مجلسندن (صنایع محكمه سی) ویرلشدرد. بو محكمه لرك اصول محاكمه قانونك ۶۳ نجی ماده سی، استیفاف سببلرینی تحدیداً تعیین ایتكده اولوب، صلح محكمه لرنده جاری اولان مذکور سببك، اسباب استیفافیه دن اولدیغنی ذکر ایدلامشدر.

قانون استیناف محکمه سی پروم محکمه لری اصول محاکمه سنک ، استیناف سبیلری
آزالتمق ایچون بونلرک تحدیدی اولدینی تعین ایتدیکنی نظر دقته آله رق مذکور استیناف
سینک ، قیاساً قابل تطبیق اولمادیغنه و دیگر طرفدن قاعده عمومی به نظر آده بوز هولک ،
اساسی مراسمه رعایت سنزلک عد اولونامیه جفنه بناءً بطلان ادعاسنک ردیه قرار ویر مشدر .
حقوق فاکولته سی مدرسلرندن

مصطفی رشید

استانبول محکمہ اصلیہ برنجی تجارت دائرہ مندرجہ :

قرار نومروسی : ۱۳۶۰

دوسیه نومروسی : $\frac{۹۲۷}{۱۶۲۹}$

موضوع : بر مطلوب دور و تملیکی اومطلوبک ملک اله یکمسی مستلزم اولوب اوتحصیلی تأمین مقصدینه
معطوف اولدینی تصریح ایدیلن بر معامله تملیکی ضمناً توکلی مناسنده اوله جفتدن اوکا استناداً باروده مقید
آوو قات اولمایان مدعی نک حق دعواسی اوله ماز .
مدعی : ی . اقدی ، مدعی علیه : استیتو ناسیونال ده لالا آسکیوراسیونی نام ایتالیا سیغورطه شرکتی .
مدعی نک دعواسی : حاجی زاده محمد مسعود بک ایکی بیک انکلیز لیراسی بدل مقابلنده
مدعی علیه سیغورطه شر کتہ حیاتی سیغورطه ایتدیر مشدر . سیغورطه کانون ثانی ۹۲۷
تاریخنده وفات ایتسی حسبیله سیغورطه بدلی بر موجب مقاله زوجہ سی حافظ کلر خانم
ایله صغیر چو جقربنه انتقال ایتکده در .

مومی الیا حافظ کلر خانم حصہ سی حقندہ اصالةً و کوچوک چو جوقلری حقندہ
ولایة قومانیہ دن مطلوبی اولان ایکی بیک انکلیز لیراسی مدعی ی . اقدی به
تملیک ایتمشدر . ایشته دعوی حاضرہ ایله مدعی کندیسنه تملیک ایدیش اولان اشبو
مبلغت مع فائض و مصارف محاکمہ واجرت و کالت اجرای موقتہ قومانیہ دن تحصیلنی
طلب ایتکده در . قومانیہ نامہ اثبات وجود ایدن مدعی علیه وکیلی صدیق سامی بک
اولا : سیغورطه پولیچه سنک اون برنجی ماده سی اشبو پولیچه نک آخرہ دورینی منع
ایتدیکی جهته ایکی بیک انکلیز لیراسنک قابل تملیک اولمادیغنی ، ثانیاً : کیفیت تملیک صغار
نامہ ولایة پایلیدی و حالبوکه تملیک نامہ ده بر بدل مقابلدن بحث ایدلیدیکی جهته معتبر
بولمادیغنی و بناءً علیه تملیک نامہ خصوصنه توکیلدن باشقه بر معنا افاده ایتدیکنی بیان
ایله مشدر . مدعی ایسه سیغورطه مقاله نامہ سنک دور ایدیش اولماوب بلدی سیغورطه نک